

psalmum per duos versus in laudem virginis
 gloriose reducendo. Etiam sequenciam dicta-
 vit: Ave maris stella, cuius versus incipiunt
 a litteris dictionum: Ave Maria, pro qua
 devocius cantanda dictus dominus Melensis
 dedit 40 dies indulgentiarum. Licet igitur
 habitu secularis esset, tamen devotum se osten-
 dit, dum ad cultum divinum et ad religio-
 sos gratiam habuit. Ipso et ~~pro~~ specialiter
 de se votum comprobavit, dum ab imperatore
 prefato capud beati Stephani sui patroni
 impetravit et auro et argento ac lapidibus
 preciosis ornari fecit. Quod anno Domini
 1376 cum magna solemnitate et cleri ac
 populi tripudio ecclesie sue presentavit et
 obtulit in die Palmarum. Qua etiam die
 sollemnem processionem secundum ordinarium
 ecclesie sue fecit, ubi totus clerus et populus
 conveniunt, una cum monachis et monialibus
 ad benedictionem Palmarum, que a 60 annis
 presens non fuerat facta. Et sic reddidit
 que Dei sunt, Deo spiritualiter devocionis
 signa ostendendo; et que sunt Cesaris tempo-
 raliter cum Heliseo malos reos puniendo.
 Ex his lucide patet, quod et fuit fidelis
 distributor honorum summi regis. Nam
 episcopi honorum ecclesie non sunt domini
 sed quasi villici dispensatores, propter quod
 videant, quomodo summo regi rationem
 reddant. Hoc iste dominus advertit. Ideo
 bona ecclesie expendidit edificando, gregem
 suum custodiendo, pacem patrie procurando,
 malos puniendo et superando ac elemosinas
 largiendo. Hec acta sunt preterita, sed futura
 nobis sunt ignota. Adhuc multa relatione
 digna scribere supersedeo, ne nimia sui commendacio

⁊ prius = . (prius ?)